

信豐縣志卷十一

人物志下 賢孝 烈婦 節婦

賢孝

安人俞氏贈祠部郎黃堂之妻憲副大節之母也幼隨父宦
邸父口授以書輒通大義年十五歸黃即能順適舅姑意
初一再婉身不育勸堂納妾堂謂婦方少且屢育姑待之
俞不謂然急為置妾陸早天更置妾姚舅患瘋痺姑患乳
癰皆痼疾俞供修瀘藥餌姑癰潰腥穢不可近俞湔滌傳
藥三年不倦姑稱其孝願婦產佳兒舅姑相繼歿俞佐堂
治喪皆盡禮後果舉二子妾姚已先舉子姚卒俞子之如

信豐縣志

卷之十一 人物下

一

已出賢孝之譽遠近無間言

見府志

黃氏郭可亭妻貢生郭期登之母吏部黃注之次女也素嫻
閨訓以禮自持夫死督家政內言不出外言不入孀居數
十載邑侯欲旌之黃曰為人婦願稱良不願稱節婦節非
所幸也辭不受

吳恭人甘中丞士价妻十五歸士价士价家故貧外家庸衆
視之吳恚甚每語士价第績學自樹寧貧勿倚外氏也士
价既學成登第躋華廡多吳之助焉性恭謹多智略士价
自維揚憂歸方鳩工建橋盜聚黨夜劫其家燃炬排闥及
寢誼呼索士价急吳慮盜挾夫為質事且不測趣決牖潛

避他所啓戶仗劍格盜身中五創斷其一指奪盜炬反擲之盜舉火焚其室復挺刃擊走之吉水羅給諫大絃傳所載甚詳其後膺制誥語有云臨難而挺身以全夫格盜而斷指以全節蓋實錄也子一殤先時奉姑就養京邸既語士价曰君出身幹當公事妾請歸庇家政幸自愛以嗣續爲念一二婢子能續君體猶妾也遂歸後中丞卒卒無子張氏東南里民李邦御之母李効之妻效經商折本流落不能歸遂客死家徒四壁三子俱幼張飲冰茹荼紡績以爲衣食年七十餘終

見舊志

俞氏邑庠生謝肇允之母自襁褓許字謝其夫瘖幼時不知信豐縣志

卷之十一

人物下

二

比長乃知之俞父母以爲憂俞舅早逝姑有危疾思娶婦以侍朝夕俞年甫十二父母意不欲遣微探之俞對曰命也敢衡命乎比歸拜姑於榻前循循盡禮且敬其夫絕無芥蒂姑卒哭盡哀舉二子而夫天亡俞時年二十守志撫二孤孤長課讀以慈母兼嚴父之任人皆以賢母稱焉

見府志

吳氏曹封周妻于歸未有翁姑事祖姑如禮及卒相夫經營喪葬封周二十外得疾多眩瞽代夫綜理家政皆有條序封周死督二子就學後皆入泮

祝氏呂仲德妻舅姑早逝獨祖姑在年踰八十齒盡落艱于

食祝朝夕以乳乳之左右掖持如嬰兒然里人稱爲賢孝
見通志

葉氏庠生楊烈之曾祖母閨範素著享年一百八歲曾玄繞
膝皆業儒張邑令繼掄時邑令鵬雲皆有頌言

曹氏曹延湘女戴佩妻孝事舅姑繼母張患疽將危氏日夜
禱于神以口噉其腐肉遂愈

劉氏庠生黃日冕之妻也姑患病氏晝夜侍藥衣不解帶焚
香禱天願姑速愈病果痊

錢氏周卜年妻姑梅氏患癰病十餘年氏事之如一日後伯
姆亦病癰氏如姑事之邑人稱爲孝義與卜年皆八十終

信豐縣志

卷之十一 人物下

三

戴氏生員黃廷捷妻性至孝姑目瞽奉養寒暑無間年二十
八喪夫教課三子曰錦日銘日錕皆成立家素封多分以
周里隣年七十終

戴氏黃期昇母早寡孝敬公姑三子皆列名於庠六十四終
廖氏邑庠生郭達文妻達文早慧父母素鍾愛病篤母憂鬱

成病氏日侍湯藥外慰翁姑各盡婦職夫沒氏含哀飲血
計惟撫遺孤以稍寬堂上二人之心耳事生送死禮與情
畢竭雍正十三年子德錕遵例請表節孝得邀旌門之典

曹氏孝廉謝越之妻幼閑婦德及歸謝柔順幽閒值家徒壁
立甘之如飴從無幾微見詞色夫習儒幾難卒業氏敬事

舅姑承顏養志甘淡泊以進甘旨不以拮据紛夫志時女弟未字將變所居以備奩氏聞即傾服飾以贈之毫無難色已雖荆布晏如也生平曉於大義即至戚往來絕口不言家計獨居惟勤婦職性嚴毅寡言笑于親隣相聚雍和以禮其居躬儉約服食美好恒却之而不樂而內政親操家道整齊莫非氏勤儉相夫壺德宜家力也舉三子胥範以正姑疾革謂氏曰汝賢孝無比他日後嗣必昌當于冥漠中相汝長入太學叔季并登賢書諸孫相繼入膠庠陳氏歲貢生黃文汾之妻生員陳堅之女也甫嫁事繼姑俞氏篤謹居常侍側凡婢子所不堪者悉以身任之無難色

信豐縣志

卷之十一

人物下

四

夫性嚴毅督責無稍間氏毫無忤意獨居則聞不聞人聲閭里翕然稱孝順誨子慈而以義有好學者則喜形于色推食之精美者食之而以粗糲自給曰兒等課讀勞心婦人無擇也其居躬勤約寡言笑人有忤其意者和而不校性好整潔不為華飾夫喜飲賓客酒雖窘匱無不咄嗟而辦夫設教四方家政惟氏是理夫晚得足疾凡十餘年每痛作氏扶持衣不解帶至困不支因得疾以終年六十餘以子世成封安人

羅氏庠生袁崇修妻授饒州府學訓導袁瑛母也修貧甚氏織紵以佐家計修死遺子二長子亦亡次即瑛筑筑相依

常至絕粒族或以窘迫不能育孤勸其改字矢死不二瑛甫長就傅命受業邑明經俞咨垂之門親率老婢碾糠鬻以供饌具瑛補弟子員食餼稍藉館穀以供甘旨氏荼苦自甘曰兒無忘絕粒時也瑛後膺康熙三十五年恩貢授饒州府學訓導以老不就樸茂醇謹推重士林後曾孫鍾秀登丙辰進士授隣水知縣

王氏謝子奇妻康熙丙辰寇變子奇挈家避亂山寨姑生子五日姑疾卒氏代乳之旋寨破氏生長子有祥甫半齡度不能並攜乃舍已子獨挈叔以走及歸則已子爲夫所怙俱保無恙後叔景安既長知其事凡生養死葬視嫂如母

信豐縣志

卷之十一

人物下

五

二家子孫各四五十人氏八十一歲終

嚴氏熊夢祥之妻夢祥屢以經商外出嚴勤操作針紉以事舅姑不遺餘力姑患目疾嚴左右扶持朝夕惟謹聞人言舌舐可痊遂日爲舐其翳果得復明夢祥死時嚴年三十誨子以學曰若父以家計爲商若等當以詩書立身訓子母徒競市利孫振等遂以學發聲督學李旌之曰坤儀裕後云

戴氏監生郭湘之妻年十七歸郭確守閨訓幽閒靜默惟以孝謹事姑夫嗜交友凡中饋煩劇毫無忤意二十餘尚不妊夫置妾氏能逮下無妬至二十八歲夫死無子矢志堅

操撫兄翁之子以繼夫後停柩在堂朝夕爨伴十餘年乃
舉喪事皆如禮今年五十

祺壽

湯氏貢生朱映彩之母百歲乾隆十三年建坊

恩賜金緞十六年壽百三歲

旌善

李氏梁大魁母聞邑有社倉之舉遂捐粟五百石以納之周
急嫻黨殆女子中好善樂施者

烈婦

元陳有諒妻元末紅巾賊起與女同被執欲污之罵不絕口

信豐縣志

卷之十一 人物下

六

皆為賊所殺 見通志

張氏趙昌宋妻歸趙甫數月寇破城被執挾之上馬不從賊
以白刃脇之罵賊愈厲賊憤怒截其兩乳碎裂之 見舊志

劉氏戴蓮妻戊子賊破城恐為所污投井死半月形骸不壞
見府志

曹氏劉照海妻避亂山巖賊勢急知不免抱子墜死越五日
得其尸頭骨已碎而尸不腐 見舊志

甘氏曹鈺妻因亂徙鄉間遇賊執之驅以行氏給賊曰容我
緩行賊信之至一潭窺其深無底遂赴焉 見府志

藍氏謝文炳妻歸寧母家聞夫遇害投池而死 見府志

俞氏爲邑人李姓所聘李貧不能娶時值喪亂營將有聞其
美者以威脅之女恐爲所污登樓自縊見府志
陳氏黃上彩妻上彩以貧賣卜於外久未歸姑受人金欲嫁
之氏不從遂箠楚日交下氏執節愈厲久之自縊

節婦

明

葉氏黃信義妻年二十五生子僅二十七日夫亡撫孤守節

正統間有司奏聞旌表見通志

謝氏張珍妻年二十五夫亡遺孤七月屏去容飾堅志撫孤
歷五十餘年

信豐縣志

卷之十一 人物下

七

劉氏朱從政妻年二十夫歿舅姑以劉年少欲嫁之矢志不
從備嘗艱苦撫孤又天字其穉孫人咸以苦節稱之

黃氏邑庠生李寬妻年十六寬死無子僅遺一女舅姑憐之

欲令改嫁黃曰夫以節義爲學我愧節義非婦也遂矢志
不移以壽終見通志

錢氏汪洪度妻年十六夫亡有遺腹有欲奪其志者不從既
生子亦早夭撫其孫壽八十五卒見通志

林氏袁再永妻三十而寡家徒壁立紡績以哺其子後曾玄
遠膝壽九十餘

吳氏俞彥中妻年二十五而寡繼姑性酷事之甚謹撫孤成

立年八十五終

俞氏劉數妻二十一而寡以壽終萬曆甲午旌表

何氏錢鎮芹妻年十八夫亡撫子國欽娶黃氏生孫方半菴
欽又死婦姑守節何年踰七十卒乾隆三年建坊旌表
見府志

許氏府庠生甘士傑妻年二十七而寡撫遺孤成立萬曆三
十二年建坊旌表
見通志

何氏吳昌燾妻年二十四夫亡撫二子事繼姑以紡績度日
屢被旌獎祀節孝祠
見府志

劉氏吳拱冕妻年二十五而寡悲泣喪明踰三十年復能視

信豐縣志

卷之十一 人物下

八

物奉旨旌獎祀節孝祠
見府志

何氏戴用選妻年十九夫死遺腹生子茹荼自甘事姑教子
敬養備至巡按兩旌其閭年七十有一而卒
見舊志

袁氏曹禾妻年二十二夫亡撫孤屢經家難百折不回卒以
節終有司頻加旌獎
見府志

江氏曹松妻年二十而寡家貧撫孤有成巡按旌之
見府志

甘氏吳增光妻年二十五夫歿有子二守志不渝教二子皆
成立御史旌之
見府志

謝氏曹榆妻年二十夫亡守節七十而卒
見府志

曹氏吳尚賢妻年二十而寡子甫長復天艱苦萬狀紡績自

給人咸哀之 見府志

俞氏曹希孟妻年二十一夫歿母憐其少欲嫁之遂終身不歸寧以壽終 見府志

王氏黃華我妻年十九夫亡撫子子復早卒年七十蘇慶院宏祖旌其閭 見舊志

黃氏楊俊甫妻年二十夫死子方歲餘家貧守志不移年七十有八終 見府志

吳氏曹鼎光妻年十九夫亡翁姑相繼喪以憂悴終 見府志
郭氏曹培蓋妻年十八守節歷經患難子死孫亡與孫婦相依以老人稱為一門雙節云 見府志

信豐縣志

卷之十一

人物下

九

王氏李英考妻年十八夫死撫孤守志備嘗艱苦子楮竭力事母亦以孝聞 見府志

曾氏許躍龍妻年十九夫死家貧父母欲奪其志以死自誓卒能撫孤成立克延許祀 見府見

袁氏許某妻年二十夫亡撫一子養殮不繼緝繡易食年八十巡按四旌之 見府志

張氏曾潛妻年二十七夫亡撫子生孫而子復死與婦俞氏相依終身 見府志

錢氏楊日燦妻年十九夫死子甫半齡翁貧使姑探其志跪泣曰子存母存子亡母亡抱其子誓于燦之靈克全其節

七十餘卒 見府志

曾氏施士毅妻年十九夫亡遺二月孤同族有欲吞其產者置毒毒兒氏覺兒得不死族復百計謀害之氏防護益密人謂巾幗中之程嬰 見府志

葉氏鍾養虛妻年十九夫歿生一女甫二歲家貧甚寢食惟居一樓以紡績自贍年八十餘 見府志

曹氏張廩妻年二十五夫亡撫孤自守卒年七十餘撫按屢旌之

吳氏郡庠生戴上聞妻無子置妾鄭氏葉氏蕭氏各舉一子俱在襁褓上聞沒吳年二十九鄭年十八葉蕭皆少同志

信豐縣志

卷之十一

人物下

十

撫孤經營婚娶教讀諸子皆得成立有文名人稱四義國朝

王氏劉士遴妻年二十六而寡奉翁姑克盡孝道撫諸孤治家嚴肅康熙二十四年建坊旌表 見府志

曹氏黃璟妻年十九夫歿食貧守志六十餘卒 見府志

郭氏錢亨吉妻于歸三月而夫死毀容自矢撫姪中道承祀為諸生督學使者屢旌之 見府志

嚴氏戴士升妻年十九夫歿生子甫二齡誓志撫孤子復天悲號自經姑防之得不死乃立姪為後康熙四十五年建坊旌表 見府志

龔氏黃宗親妻年二十二生子甫三歲夫死七日而姑又喪
治二喪盡禮守節撫孤人稱節孝 見府志

劉氏黃培禹妻年二十而寡澹泊自甘撫孤成立逾六十終
見府志

郭氏歐陽士庶妻年二十二夫歿甘貧守志壽至七十終 見府志

甘氏李即發妻年十九夫亡撫二子乾隆三年題准建坊旌
表年九十二卒祀節孝祠 見府志

黃氏曹向榮妻年三十夫歿家貧甚撫二子為諸生郡守旌
之壽七十餘終 見府志

信豐縣志

卷之十一

人物下

士

樊氏俞叔度妻年二十四而寡家貧守節撫孤成人題准建
坊旌表卒年八十六入祀節孝祠 見府志

謝氏陳大定妻年二十五夫亡守節事繼姑盡孝遺孤光國
為邑庠生 見府志

高氏庠生宋國聘之母年三十夫死教子母道而兼父道邑
令屢旌之

李氏邑庠生宋士英妻年十八于歸生一子越二載而夫歿
遺腹又生一子教育成立年六十七終邑令時雲鵬旌之
乾隆元年建坊入祠

戴氏邑庠生黃日銘妻年二十而寡撫一子紡績自給孝事

舅姑勤勞訓課子入邑庠

張氏邑庠生陳其煥妻年十九夫歿矢志撫孤備嘗艱苦堅操不移

郭氏俞星卿妻孝廉俞嘉哲之祖母也年十七于歸二十六而寡二子在幼齡時寇亂未靖零丁孤苦以針紉供養殮每值星卿生辰忌日哀泣終日水漿不入口如是者四十餘年壽七十有四

吳氏鍾震宇妻年二十八夫亡生子二家業蕭條每食不繼以菜羹度日張令執中旌之卒年六十有四

謝氏吳世鼎妻年二十三夫歿生子甫一歲事姑撫穉支持

信豐縣志

卷之十一

人物下

三

困苦壽八十人稱節孝

朱氏鄧天輔妻年十九而寡矢志撫孤姬邑令之簋旌其堂曰冰操流芳

康氏黃傑妻年二十夫死忍死撫孤子天相後補邑庠生

楊氏顧文達妻達赴武闈歿于省會氏年二十無子乃撫侄為後相依為命以苦節終

黃氏庠生顧崇高妻年二十八夫亡生三子俱幼家政皆氏操理督課三子皆入學

李氏邑庠生劉乾元妻年二十八夫死撫四子成立年七十當事題額以旌之

李氏王某妻年十八夫死撫孤辛苦壽八十餘

黃氏曹氏黃為錢履道之母曹其妻也黃年十六歸於錢三載而夫歿時履道尚在遺腹矢志自守後履道成立娶曹氏未幾履道亦死婦姑堅志死守人謂一門雙節云

戴氏生員郭貞妻年十七適貞三載而貞歿堅貞守志撫一子教讀成立年七十終邑令鵬雲旌之

曾氏劉相治妻年二十四夫亡遺孤甫四齡復相繼天氏矢志不移親族欲白其節於當事氏堅辭曰我之為此豈有所羨於名也耶

曾氏郭大章妻年十九夫歿撫猶子為後停柩在堂哭泣相

信豐縣志

卷之十一

人物下

三

伴竟以哀傷殞命

郭氏戴公仰妻年十八于歸五載夫歿誓志不渝坐一小樓紡績自給八十餘始歿

戴氏郭達樂妻夫死即不欲生以有姑嫜在終身謹事之得兩人歡心持躬嚴代人恕稱為閭範

謝氏曹珽玉妻二十六喪夫姑隱以改志相諷氏矢死靡他卒時年六十六

黃氏袁子全妻年二十六子全歿以養親教子為囑氏守夫遺言奩貲頗豐盡出以供甘旨延師之費年七十有九子奉後列鬻序

謝氏邑庠生曹增光妻二十五而寡貧無以爲生撫一子艱苦備嘗紡績教讀娶媳王氏二十六生孫而子又亡姑媳共撫孤守志人稱雙節云

劉氏張篚妻年十七守節貞潔自矢雖內戚往來罕見其面中堂燕笑不聞其聲歷蒙旌節年八十而卒

張氏生員朱以隆之母年二十六夫歿緝纊以哺其子後以隆爲郡庠生吳學使旌之曰孀母德節

李氏王世符妻年二十八而寡撫二子嚴督就學以針紉佐饗殮鄰里姻戚慶弔終身不與每值世符生辰忌日哭泣以祭年八十有一

信豐縣志

卷之十一

人物下

十四

俞氏郭維都妻年二十一夫歿撫襁褓孤飲冰茹荼歷四十餘年以苦節終

曹氏袁允升妻允升即世時曹氏年十八懷遺腹四月守此一綫不得從夫於地下冰霜自勵六十餘年如一日至於孝事姑嫜親操井臼尤氏所素著云

王氏張泰詠之妻邑庠生張璉之母也年二十三而寡王氏矢志守節撫孤耐甘貧苦勉事舅姑雍正二年彙詳建坊年八十卒入節孝祠

何氏黃日翰妻二十八而寡生三子長子黃超入邑庠氏心一慰事姑至孝能順令不違夫無昆弟惟姊一人姑嘗鍾

代終之義云

鍾氏庠生黃日讓妻讓死氏年二十有八子四皆多病氏保護鞠育皆成立姑年八十七殷勤侍養節孝兩克盡云

黃氏庠生謝爲中妻年二十四夫亡一子甫四齡丙辰寇亂家室流離鞠子養姑備極艱辛年六十五歿孫曾列名庠序者甚衆

溫氏顧鼎冕妻生子二齡而鼎冕歿時氏年二十有四屹然以養姑教子自任不辭勞瘁人多賢之

張氏王文佐妻年二十夫亡有遺腹僅二月靡他自矢文佐既無兄弟半載舅姑復相繼歿自遺孤之生以及於成艱

信豐縣志

卷之十一

人物下

六

難險阻防閑保護不遺餘力乾隆十四年援新例給匾入祠以示旌

張氏楊文一妻也年十四歸楊閱四載而夫卒子甫逾月家無次丁而翁姑在堂乃忍死鞠孤以慰二人既娶婦誕孫四而子復即世且翁姑既喪家業中落無以爲餬口計已又喪其二孫惟曰鼎者差能傭作然其值不足以贍家食氏雖老尚紆績以佐之苦節六十餘年歲八十有八未嘗享子婦一日之養然安之泊如也

溫氏傅士遵妻歸傅七載生一子甫數月士遵疾卒氏年二十四翁姑憐其少欲令他適矢志不從堅心撫孤事翁姑

以孝聞邑令賜額旌表

周氏姚元騰妻年十九生子甫週夫卒貞守哺孤歷二十二載子亡無嗣撫侄孫繼子後兩月復夭於是再撫承祧百折不回堪云疾風勁草

賴氏李陶甫妻年二十四陶甫歿子甫二齡矢志守貞持家有法子登榮學成入邑庠適修學乏費常捐十五金爲助年七十終

鍾氏藍維揚之妻年十五歸藍四載而夫卒遺孤甫二齡守貞鞠子紡績以給饗殮垂白舅姑髻齡孺子皆賴調護歷三十餘年卒時五十有三

信豐縣志

卷之十一 人物下

七

葉氏李繼周妻年二十有二繼周死撫三歲孤操作勤苦勵節四十餘載壽六十八終提學傅給額旌獎

蔣氏劉賦程之妻賦程死蔣年僅二十有二惟生一女矢志守節撫侄爲後供奉舅姑訓子娶婦劬勞備至及生孫而子亡家愈窘困苦節歷四十餘年年屆七旬

張氏朱聖亮妻也年十五歸於朱嫺婦道二十四而聖亮歿子僅週歲氏矢志苦守撫育成立敬事舅姑慈孝兩盡卒年五十三

湛氏黃日華妻年二十五喪夫僅遺一子孀姑幼子熒熒相依子偉烈既長爲邑諸生已復早卒婦曾氏年二十四亦

僅遺一子遂與姑偕守素多疾而孝養不衰年六十先諶卒諶年八十終

張氏郭德乾之妻乾年十九死張年二十守節時長子甫歲半次子生甫三月張上慰孀姑下撫幼子敬謹劬勞二子稍長延師訓讀歷三十餘年德言容工可稱無歉

何氏黃氏何乃貢生錢貽之曾祖母黃其祖母也一門雙節兩代冰操乾隆三年題請建坊入祠

吳氏謝君講妻年二十六孀居二子獨理家務井井有條生平嚴以律已恭以與人於子媳侍婢從無疾言遽色延師課讀子若孫俱得成名雍正八年建坊旌表

信豐縣志

卷之十一 人物下

六

何氏邑庠生黃超妻年二十三夫應試得疾歸姑亦患病何氏兩侍湯藥朝夕不倦姑方痊而夫遽殞撫子以節自矢奉養老姑不遺餘力

廖氏鍾龍驤妻二十一守節子方半齡米心自矢父逼之改操百折不回雖家計窘迫日事紡績以佐甘旨閨門之內肅如也

曾氏黃昌仕妻年十六歸黃結縵五載夫歿育二子燃燈佐讀異子成名見貧不自贍者恒周給之人感其德雍正二年捐社穀八十石以備荒歎年八十七卒

謝氏黃益光妻二十夫喪誓不欲生以舅姑在堂恐重其傷

乃清操自立鞠育遺孤家貧紡績不輟足不履外戶至性
柔婉克嫻婦道得淡姑心

朱氏邑庠生夏輔仁妻二十而歸相夫成名越三載而夫歿
生一子甫二齡撫育稍長不以恩克義敬奉舅姑先意承
志綜理家務約以佐勤于戚屬往來禮義備至妯娌中綽
有賢聲後子若孫皆得成名壽六十一終

盧氏何世暄妻二十四喪偶栢舟自矢承順舅姑教子以義
方修橋梁施衣棺遇困貸不償者悉焚其券鄉里咸感戴
之

袁氏謝國權妻年二十三生一子甫週餘夫遽卒矢志撫孤
信豐縣志

卷之十一

人物下

九

兒疋羸多病祈祝保延終身食素姑疾誓以身代及卒哀
毀踰常總攝家政食指千餘咸歸肅睦乾隆十二年建坊
旌表

賴氏謝文著妻二十而寡孤方四月夫家貧甚翁姑慰遣至
再氏守愈堅荼蓼自茹曉夜女紅給饌翁姑微聞母氏欲
奪其志十五年不一往四十後巔毛盡白族戚憐而賢之
李氏張首宣妻二十三而寡生一子甫二齡父母憐其少微
言諷之氏截髮自誓撫孤孀居內言不出事翁姑至孝庭
除中從無詬語人皆賢之

卬氏王世興之母二十四而寡遺孤三月矢志靡他盡婦道

奉養舅姑及姑亡復事繼姑曲意承顏仍不改其初心勤而能儉嚴以課子孀居三十六年勁節冰操人無間言張氏劉宗克妻十七而歸越三載而夫歿矢志守貞百折不回時舅姑年老曲意承歡妯娌共稱孝順遺孤一齡莫綿宗祧鞠育稍長不以姑息爲息延師嚴課得以成名年七十餘

袁氏何宗魯妻年二十四夫卒遺孤襁褓矢節撫育翁老多病袁日侍湯藥惟謹及歿喪葬俱無違禮子天駒長延師教讀補弟子員

朱氏梁德名妻年二十四德名卒誓相從地下姑曰幸有遺腹或不廢夫宗支乃忍死以俟四月而誕則男也矢志堅守養姑撫子悉盡厥職年五十四卒

曹氏俞世渙妻年十七歸俞二十四而夫亡氏幾欲以身殉念孀姑之無養忍死留軀痛穉子之無依堅心不二躬紡績茹荼苦養姑育子克成夫志里黨稱無間言

王氏葉承萬妻年十七夫卒卒二月而遺腹生男舅姑在堂仰事俯育一以身育里中稱之

曹氏二十適黃曰芹五年而寡遺腹生子稜鞠育成立復孝翁姑生歿盡禮

劉氏郭懋樂妻年十八歸懋樂嗜學以刻苦成疾氏日禱祝

籲以身代及夫故幾不欲生姑慰之曰爾死二孤何托乃
強起就食順事舅姑次子天撫長子教誨成立孀居四十
年六十三歲

俞氏黃國維妻年二十三夫卒無子痛夫不祀撫姪紹堅爲
後勵志事姑姑欲將產兩分之半與俞半與其夫兄文卓
俞以身不與外事且文卓爲紹堅生父家業悉推掌之乾
隆十六年俞年五十三

張氏朱楚南妻二十三夫死清白一心勤紡績以奉舅姑以
慰其心生一子甫半齡鞠育成人燃燈佐讀里黨共稱賢
孝

信豐縣志

卷之十一

人物下

三

張氏戴莊渠妻年十五于歸七載而夫死有遺腹生女張遵
夫遺命撫侄爲後姑病淹滯張日夕侍奉衣不解帶及卒
喪葬盡哀每朔望必設饌命子之墓所拜奠數十年如一
日乾隆十年題請建坊

康氏年二十二適黃士熹士熹貌不揚而婦有容德以故親
結姻甚相得也嫁四年而夫卒生一子二歲有富人子多
方謀娶之婦堅拒糟糠自矢苦節撫孤孤中年天卒媳嫁
又撫一孫乾隆十六年年六十有六

張氏江右昭妻生康熙四年年十七歸右昭舅沒姑存居室
三年夫行賈卒於他所乃撫一子爲後以養其姑衣鶉茹

粥年六十餘卒

鄧氏生員黃雲妻雲以才高不第一日遁跡不知所之時鄧氏年二十餘無子以夫弟之子爲後天復以兄公之孫後焉與媳殷氏俱守志不二

劉氏郭弘勳妻年二十三夫歿有一子時值草寇王雲龍俗號割耳擾攘邑地諸人逃竄夫族無期服之親氏躬哀經捧土殮塋抱子潛匿迨事平家徒四壁日惟剝繢考縷從事于箴管絃繚間以治生度日年七十五子孫林立受養而終

江氏黃亨景妻亨景歿時江氏年二十有一撫弱子以事其信豐縣志

卷之十一

人物下

三

耄姑延四世之孤以有成立金石之搯有經秋霜歷冬雪而不渝者年五十四于乾隆十六年卒

劉氏陳家韶妻二十有四而寡懷遺娠生孤無舅姑之庇蔭昆季之伙助熒熒自立子長復亡又撫孫焉六十九而終戴氏陳善達妻夫得絡血之疾氏事之慇懃悉備竟不克瘳時戴年二十有四事孀姑育孩提不負夫托人稱志行純潔

陸氏郭純修妻純修以運漕北上客死燕地舟次時陸二十二歲聞訃僭仆自投于地者數矣以孤方在抱哀矜鞠育携子迎夫櫬于江歸而窀穸之守志三十餘年

丁氏生康熙二十九年年十六嫁余三英四年而英卒生子甫九月鞠育維殷竭力以奉姑嫜裙布釵荆安之爲常苦節凡四十餘年矣

黃氏表帝中妻氏年二十四而夫歿矢志撫孤績紝以供家計教讀婚配備極經營三十餘年如一日

王氏李禹門之妻年二十三歲其夫外遊絕跡家貧無子王氏於夫服親中代爲炊爨浣衣度日如同婢輩數十年無嗟怨或勸其改嫁者王叱辱之後無有敢言及老不能自食其力服親中乃無一憐膳者人皆哀之年七十五卒

陳氏黃文江妻年二十二夫歿遺孤三歲陳矢志撫育事繼信豐縣志
卷之十一 人物下
姑備極孝順紡績不輟以度歲月子長婚娶教讀以繼夫志卒年四十五

張氏施天秀妻年十九夫亡生一子甫七月矢志自守孤常患疾張懼不延更撫姪日琮爲子後孤果夭復撫君靜之次男爲嗣孤後以綿兩世宗支舅姑雙存克盡孝道朝夕不懈里黨稱節孝云乾隆四年題請旌表

鍾氏蕭文沛之妻也年二十二夫病篤訓以自便自爲之計鍾淚落應以守孤守志之言夫死子甫一歲永持勁節克凜清操常織機以供養殮檢夫遺書以督子勤學子璉爲邑諸生母子歡然洵足嘉也年五十四

傅氏何旦呂之母年十七于歸十九而寡子甫五月傅氏矢志堅操劬勞敬謹事堂上老姑媳代子職撫膝下孩提母兼父行節孝可徵允堪褒典年六十有三

鍾氏劉宜周妻夫亡鍾氏矢志堅搯冰心確守方與遺孤有成不意及冠復折其媳鄒氏年十八亦割髮自誓兩世同貞族隣稱之

朱氏胡昌鑑妻年二十二夫卒遺孤數月守志撫孤家貧繼姑遇之虐屢欲奪其志朱曲盡恭謹日夕嚴備子長姑且老朱勤紡績以養積其餘資爲子娶婦延今子孫三世家人話其節孝皆爲之墮淚云

信豐縣志

卷之十一 人物下

三

藍氏黃天賜妻年二十三夫歿翁亦相繼棄世連歲遭大喪氏葬夫及翁拮据營辦人咸難之撫二子養老姑食貧一室或勸改嫁則號泣誓天哀動里閭至今壽八十八歲曾立數十人以爲節孝之報云

黃氏戴熙皞妻年二十一夫歿子甫三歲家貧苦節撫孤成立敬事舅姑今年七十乾隆四年題請旌表

朱氏袁惠卿之妻年二十五孀居遺腹生子勵志冰搯食貧茹淡事姑溫饁不懈鄉里推崇乾隆七年題請旌表壽八十而終

信豐縣志卷之十一終 人物下

